

下音鐵反吾煎熬下吾躐躐二同飛颺下音
羊挑酷烈上苦燠字箒市天綠

十三末

經律異相卷第四十九

啓九

經律異相卷第五十

啓十

梁沙門僧旻寶唱等集

地獄部下

阿鼻地獄受諸苦相一

大地獄各有十八獄圍繞阿鼻二

六十四地獄舉因示苦相三

乙

蕭休

五大地獄示受苦相四

阿鼻地獄受苦相一

阿鼻地獄者梁言無遮又言無縱廣正等八

千由旬七重鐵城七層鐵網下有十八鬲周

帀七重皆是刀林復有七重劔林四角有四

大銅狗廣長四十由旬眼如掣電牙利如劔

樹齒如刀山舌如鐵刺一切身毛皆燃猛火其烟臭惡有十八獄卒口如夜叉六十四眼散迸鐵丸狗牙上出高四由旬牙端火流燒前鐵車輪網出火鋒刃劔戟燒阿鼻城赤如鎔銅獄卒八頭六十角角抄火燃火化成網網復成刀輪輪相次在火燄間滿阿鼻城城內有七鐵幢火涌如沸鐵流鎔迸涌出四門上有十八釜沸銅涌漫滿於城中一一鬲間有八萬四千鐵蟒大蛇吐毒火中身滿城內其蛇哮吼如天震雷雨大鐵丸五百又五百億虫八万四千紫頭火流如雨而下滿阿鼻城此虫若下猛火熾然八萬四千由旬獄上衝大海沃焦山下貫大海底如車軸若有殺父害母罵辱六親命終之時銅狗化十八車狀如寶蓋一切火燄化為玉女罪人遙見心喜欲往風刀解時寒急失聲寧得好火安在車上燃火自爆即便命終坐金車瞻玉女皆捉鐵斧斬截其身屈伸臂頃直落阿鼻從

上鬲如旋火輪至於下鬲身遍鬲內銅狗大
吼齒骨啞髓獄卒羅刹捉大鐵叉叉頸令起
遍體火燄滿阿鼻獄閻羅王大聲告勅癡人
獄種汝在卅時不孝父母邪慢無道汝今生
處名阿鼻獄獄卒復從下鬲更上上鬲經歷
八萬四千鬲摔身而過至鐵網際一日一夜

即閻浮提六十小劫盡一大劫作五逆罪臨
命終時十八風刀如鐵火車解截其身以熱
逼故便作是言得好色華清涼大樹於下遊
戲不亦樂乎作此念時八萬四千諸惡劍林
化作寶樹華果茂盛行列在前大熱火燄化
為蓮華罪人疾於暴雨坐蓮華上鐵鬚諸虫

啓十

二

右

從火華起穿骨入髓啞腦一切劍枝削於肉
骨無量刀林當上而下火車鑪炭十八苦事
一時來迎此相現時陷墜地下從下鬲上身
如華敷遍滿下鬲下火熾然至於上鬲身滿
其中熱惱急故張眼吐舌萬億鎔銅百千刀
輪從空中下頭入足出一切苦事過於上說

百千萬倍具五逆者受罪五劫復有衆生犯
四重虛食信施誹謗邪見不識因果斷學般
若毀十方佛偷僧祇物姪逸無道逼淨戒尼
姊妹親戚造衆惡事此人罪報臨命終時風
刀解身偃卧不定如被楚撻其心荒越發狂
癡想見已室宅男女大小一切皆是不淨之

物屎尿臭處盈流于外獄卒羅刹以大鐵叉
擊阿鼻獄及諸刀林化作寶樹及清涼池火
燄化作金葉蓮華諸鐵鬚虫化為鳧鷹苦痛
之聲猶如歌詠罪人聞此吾當遊中坐火蓮
華衆物覓分狗食其心俄爾之間身如鐵華
滿十八鬲此等罪人經八萬四千大劫復入

東方十八鬲中如前受苦南西北方亦復如
是謗方等經具五逆罪破壞僧祇汚比丘尼
斷諸善根具衆罪者身滿阿鼻獄四肢復滿
十八鬲中此阿鼻獄但燒如此獄種衆生劫
欲盡時東門即開見東門外清泉流水華果
林樹一切俱現是諸罪人從下鬲見眼火暫

啓十

三

右

歇從下甬起宛轉腹行揀身上走到上甬中
手攀刀輪時虛空中雨熱鐵丸走向東門既
至門閻獄卒羅刹手捉鐵叉逆刺其眼鐵狗
嚙心悶絕而死南西北門亦復如是經歷半
劫
十八小地獄各有十八獄圍繞阿鼻二

阿鼻地獄有十八小地獄小地獄各有十八
寒地獄十八黑闇地獄十八小熱地獄十八
刀輪地獄十八劍輪地獄十八火車地獄十
八沸屎地獄十八鑊湯地獄十八灰河地獄
五百億劔林地獄五百億刺林地獄五百億
銅柱地獄五百億鐵機地獄五百億鐵輞地
獄十八鐵窟地獄十八鐵丸地獄十八尖石
地獄十八飲銅地獄如是等衆多地獄阿鼻
獄死生寒水中寒冰獄死生黑闇處八千萬
歲目無所見受大虫身宛轉腹行諸情闇塞
狐狼食之後生畜生五千萬身受鳥獸形還
生人中六根不具貧窮下賤經五百身後生

餓鬼後遇善知識發菩提心

十八寒地獄者八方冰山山十八甬復有十
八諸小冰山寒冰山間如瓦蓮華高十八由
旬上有冰輪縱廣正等十二由旬如天雨雹
從空而下劫奪抄盜剝脫凍殺衆生此人罪
報欲命終時一切風刀化爲熱火罪人作念

我今云何不卧冰上作是念時獄卒羅刹手
執冰輪躡虛而至罪人見已心便愛念氣絕
命終生冰山上既生之後十八冰山如以扇
扇一切寒冰從毛孔入十八甬中遍滿一甬
剖裂擘拆如赤蓮華冰輪上下遍覆其身八
萬冰山一時俱合更無餘辭但言阿羅爾時
罪人即作是念我於何時當免寒冰生熱火
中爾時空中有諸鐵嘴鳥吐火破冰啄腦罪
人即死獄卒復以鐵叉打地訶言活活應聲
即蘇念身火猛熾願得前冰以滅此火獄卒
復以冰輪迎接置餘獄中如是十八甬中無
不經歷此寒地獄壽命歲數如四天王天日

卷十

四

右

月八千萬歲罪畢出生賤貧鄙陋五十世中
爲人奴婢衣不蔽形食不充口此罪畢已遇
善知識發菩提心

黑闇地獄者十八重黑山十八重黑網十八
重鐵林十八重鐵縵一山高八萬四千由旬
一一縵亦厚八萬四千由旬一一縵間十八

重鐵圍山羅列如林此山陰闇偷佛僧燈明
偷盜父母師長謗說法者亦毀世俗論義師
等不忌尊卑不知慙愧以此罪故命欲終時
眼有電光睽迅不停即作是念我有何罪常
見是火即閉兩目不願欲見命欲終時獄卒
羅刹擎大鐵床張大鐵傘如大隊雲乘空而

至無形有聲罪人欲往命終坐鐵床上落黑
闇處刀輪上下斬斷其身有大鐵烏嘴距長
利從山飛下來攬罪人痛急疾走求明不得
足下蕤藜穿骨徹髓如是悵惶經五百萬億
歲日月如前彼人頭打諸黑闇山腦流眼出
獄卒羅刹以鐵叉叉安眼眶罪畢乃出爲貧

窮人眼目角昧盲冥無見或被癩病人所驅
逐如是罪報經五百身過是以後遇善知識
發菩提心十八小熱地獄者如阿鼻獄亦七
重城七重鐵網無量諸惡以爲莊嚴以不從
師教與惡逆心不知恩養盜師害師汚師淨
食坐師床座捉師鉢盂藏去不淨作種種惡

營十

五

本

毒藥飲師若沙門婆羅門作諸非法無有慙
愧剝像破塔劫法寶物殺伯叔父母兄弟姊
妹命欲終時十八獄卒各以鐵叉擎一鬲獄
如大寶蓋雨微細雨雨滴如華熱惱入心見
雨清涼即作是念言願我得坐蔭蓋之下涼
雨灑我不亦樂耶氣絕命終如一擲頃即坐

劍床上百億劍刃刃皆出火燒刺其身空中
寶蓋化爲火輪從上而下直劈其頂身體碎
裂爲數千段上雨鐵丸從毛孔入獄卒羅刹
以大鐵叉刺罪人眼或以鐵箭貫射其心悶
絕而死須臾還活坐劍床上旋嵐猛風吹墮
地獄時閻羅王告言獄種汝作衆惡殺師謗

師汝今生處名拔舌阿鼻汝在此獄當經三劫作是語已即滅不現

刀輪地獄者四面刀山於衆山間積刀如輪有八百萬億極大刀輪隨次而下猶如雨滴以樂苦惱他殺害衆生命終之時患逆氣病心堅如鐵即作是願得一利刀削此諸患不

亦快乎是時獄卒頂戴刀輪翳令不現至罪人所卑言遜辭我有利刀能割重病罪人歡喜即自念言唯此爲快氣絕命終生刀輪上如醉象走墮刀山間是時四山一時俱合四種刀山割切其身不自勝持悶絕而死獄卒羅刹駭感罪人令登刀山來至山頂刀傷足

下乃至于心畏獄卒故匍匐而上既至山頂獄卒手執一切樹葉未死之間鐵狗齒心楚毒百端鐵虫喫食肉皆都盡尋復唱活脚著鐵輪從空而下一日一夜六十億生六十億死如是衆多如四天王壽八千萬歲罪畢乃出墮在畜生五百世中有供衆口復五百世

受卑賤形後遇善知識發菩提心

劍輪地獄者縱廣正等五十由旬滿中劍樹其樹多少如稻麻竹葦一一劍樹高四十由旬八萬四千劍輪爲葉八萬四千劍輪爲華八萬四千劍輪爲果八萬四千沸銅爲枝以樂殺無厭如此罪人臨命終時遇大熱病即

啓十

六

右

作念言我今身體時熱時寒舉身堅強猶如鐵碓即作願言得金剛劍割却此患樂不可言是時獄卒即自化身如已父母親友之形在其人前而告之言我有秘法如卿所念當用相遺罪人云急急欲得氣絕命終如馬奔走生劍華中無量劍刃削骨破肉碎落如空

復有鐵鳥從樹上下挑眼啄耳有大羅刹手捉鐵斧破頭出腦鐵狗來舐死已唱活駭令上樹未至樹端身碎如塵一日一夜殺身如塵不可稱數殺人罪故受如此殃經八萬億歲生畜生中身常負重死復剥皮經五百世還生人中貧窮短命多病瘠瘦過是已後遇

善知識發菩提心

火車地獄者一一銅鑊縱廣正等四十由旬
滿中盛火下有十二輪上有九千四百火輪
自有衆生爲佛弟子及事梵天九十六種及
在家者誑惑邪念諂曲作惡如此罪人欲命
終時風大先動身冷如水即作是念何時當

得大猛火聚入中坐者永除冷病作是念已
獄卒羅刹化作火車如金蓮華獄卒在上如
童男像手執白拂鼓舞而至罪人愛著若坐
此上快不可言氣絕命終載火車上肢節火
燃身體焦散獄卒唱活應聲還活火車轉身
凡十八反碎身如塵天雨沸銅遍灑身體即

啓

七

右

便還活如是往反上至湯際下墮鑊中火車
所轉一日一夜九十億死九十億生此人罪
畢生貧賤家爲人所使繫屬於他不得自在
償利養畢爾乃得脫由前出家善心功德遇
善知識爲其說法心開意解成阿羅漢
沸屎地獄者八十由旬十八鐵城一一城有

十八甬一一甬中四壁皆有百億萬劍樹如
刀刃刃厚三尺於其刃上百千蒺藜不可稱
計一一蒺藜及劍樹間生諸鐵虫其數無量
一一鐵虫有百千頭一一頭有百千嘴嘴頭
皆有百千虺虫此諸虺虫口吐熱屎沸如錘
銅滿鐵郭內上有鐵網鐵鳥以破八戒齋污

沙彌尼式又摩尼污比丘戒比丘尼戒污優
婆塞戒優婆夷戒如是七衆及餘一切汚僧
淨飯汚父母食偷竊先敢不淨手捉及僧知
事以自恃故汚僧淨食四部弟子以不淨身
坐僧祇床犯偷蘭遮久不懺悔虛食僧食坐
僧衆中與僧布薩如是衆多無量不淨惡業
罪人臨終時舉身皆香如麝香子不可堪處
即作是念當於何處不聞此香獄卒化身猶
如畫瓶中盛糞穢至罪人所以手摩觸令彼
罪人心生愛著氣絕命終墮沸屎中身體糜
爛衆虫啖食削骨徹髓以渴逼故飲熱沸屎
虺虫蛆虫啖其舌根一日一夜九十億生九

十億死罪畢乃出生貧賤家不得自在設生世時恒值惡王屬邪見主種種惡事逼切其身瘦腫惡瘡以為衣服宿世聞法善因緣故遇善知識出家學道成阿羅漢

十八鑊湯地獄者有十八鑊縱廣正等各四十由旬七重鐵網滿中沸鐵五百羅刹鼓大

石炭燒其銅鑊皸皸相次經六十日火不可滅閻浮提日滿十二萬歲鑊沸上涌化成火輪還入鑊中以毀佛禁戒殺生祠祀為噉肉故焚燒山野傷害衆生生噉衆生以火焚燒如此罪人欲命終時身心煩悶失大小便不自禁制或熱如湯或冷如水即作是念得大

啓十

八

右

温水入中沐浴不亦樂乎獄卒羅刹化作僮僕手擎湯盆至罪人所心生愛樂氣絕命終生鑊湯中速疾消爛唯餘骨在鐵叉掠出鐵狗嚼之嘔吐在地尋復還活獄卒駭感還令入鑊畏鑊熱故攀劒樹上骨肉斷壞落鑊湯中一日一夜恒沙死生罪畢生為猪羊鷄狗

短命之處無不經歷如是受身八千萬歲命終之後還生人中受二種報一者多病二者短命過算數劫遇善知識受持五戒行六波羅蜜灰河地獄者長二百由旬廣十二由旬下有利刀岸上劒樹滿中猛火廣十二丈復有鎔灰以覆火上厚四十丈以偷盜父母師

長善友兄弟姊妹如是癡人無有慙愧不識恩養不從師教此人罪報命欲終時氣滿心腹喘息不續即作是念我心如泥氣滿胃中得一微火爆我身者不亦快乎獄卒應念化作妻子手擎火爐微灰覆上至罪人所罪人歡喜氣絕命終生灰河中諸劒樹間有一羅

刹手執利劒欲來傷害是人恐怖走入灰河舉足下足刀傷其脚劒樹雨刀從毛孔入羅刹以叉叉出其心躡地悶死尋復還活一日一夜五百億生五百億死飢渴逼故張口欲食劒樹雨刀從舌頭入劈腹裂脅悶絕而死由前世聞佛法僧名故罪畢之後得生人中

啓十

九

右

貧窮下賤覺世非常出家學道時世無佛成
辟支佛世若有佛成阿羅漢

劔林地獄者八千由旬滿中劔樹有熱鐵丸
以爲其果樹高二十四由旬以不孝父母不
敬師長作惡口業無慈愛心刀杖加人臨欲
終時心如糊膠處處生著即作此念我心縛

著觸事不捨耽酒嗜色雖遇苦患心猶不息
得一利刀割截此愛獄卒應聲化爲侍者執
鏡語言汝心多著可觀此鏡見利劔像即作
是念我體羸弱不堪做事得此利劔割斷我
心不亦快乎作此念時氣絕命終受餓鬼身
諸劔樹間化生鐵丸從頂入口出腸胃焦爛

獄卒打撲驅令上樹鐵箭虫取以怖上樹如
是展轉悉經劔林一日一夜八萬生死罪畢
之後生飢饉世及疾疫劫爲人卑賤口氣恒
是人所惡見後遇善知識發菩提心

刺林地獄者八千由旬滿中鐵刺一一刺端
有十二鉤樹上復有大熱鐵鉤以惡口兩舌

綺語不義語調戲無節誑說是非說經典過
毀論義師如此罪報命欲終時咽燥舌乾即
作此念得一利刀刺頸出血令衆脉間流注
衆水不亦快乎獄卒羅刹化作父母手執明
珠珠頭生刺持用擬口如水欲滴罪人歡喜
氣絕命終如雷電頃生刺林間獄卒羅刹手

執鐵鉤拔舌令出八千鐵牛有大鐵犁耕破
其舌一日一夜六百生死過是已後得生人
中脣咳面皴語言謇吃如此罪人體生諸瘡
膿血盈流經五百世人所惡見過是已後雖
有所說人不信受遇善知識發菩提心

銅柱地獄者有一銅柱狀如火山高六百由
旬下有猛火火上鐵床上有刀輪間有鐵箭
虫鐵口烏以貪惑滋多染愛不淨非處非時
行不淨業設有比丘尼婆羅門等諸梵行者
若於非時非處犯不淨法乃至一切犯邪行
者如此罪人臨命終時舉身反強震掉不定
即作此念得一堅大銅鐵柱者縛此身體令

啓十

十

左

不動搖獄卒應時化作童僕手執鐵杖至罪人所白言長者汝今身強餘物皆弱可捉此杖心即歡喜氣絕命終如捉杖頃生銅柱頭猛火燄熾焚燒其身驚怖下視見鐵床上有端正女若是女人見端正男心生愛著從銅柱上下投于地銅柱貫身鐵網絡頸鐵背諸虫啖食其軀落鐵床上男女俱時六根火起有鐵背虫從眼而入從男女根出若污戒者別有九億諸小虫輩如螻蛄虫有十二背背頭出火啖食其體一日一夜九百億生九百億死出生鳩鵲身經五百世後生龍中經五百身後生人中無根二根及不定根黃門之身經五百世設得為人妻不貞良子不慈孝奴婢不從過是已後遇善知識發菩提心鐵機地獄者有一鐵床縱廣正等四百由旬上安諸椹椹間皆有萬億鐵弩鐵弩鐵頭百億鋒刃以為貪欲故不孝父母不敬師長不從善教殺害衆生此人命終身體戰動六竅

汁流見自己床如兜羅綿得堅冷處卧不亦快耶獄卒羅刹以叉擎床鋪大氈毼至罪人所歡喜欲卧氣絕命終生鐵機上萬億鐵椹關從下動鐵椹低昂無量鐵弩同時皆張一鐵箭射罪人心一日一夜六百億生死後生畜生中經五百世還生人間貧窮下賤為人所使多墮刑獄恒受鞭撻後遇善知識發菩提心
十一
鐵網地獄者八十九重諸鐵羅網一一網間百億鐵針一一鐵針施五關椹以邪心誦曲妖媚惑人心懷讒賊晝夜惡念臨命終時身體癢痒即作此念得一束針攬刺不亦快乎作是念時獄卒化為良醫手執利針唱言治病罪人心喜氣絕命終生鐵網間擗身下過衆椹皆動無量諸針射入毛孔如是宛轉諸鐵網間如刹那頃死生罪畢乃出生於邊地無佛法處亦不聞說世間善語何況正法雖生人中三惡道攝後遇善知識雖得聞法心

不解了鐵窟地獄者餓鬼道中最上苦法有一鐵山縱廣正等二十五由旬山上復有五百萬億大熱鐵丸一一鐵丸團圓正等十三由旬山間復有百千刀劍是時彼山東開小孔如摩伽陀斗但出黑烟以慳貪縛著心如金剛但樂求索無有厭足父母妻子悉不給與師長教授視如糞穢奴婢親友不施衣食如是慳人不慮無常護惜財物猶如眼目命欲終時諸情閉塞口噤不語心中默念我死之後是諸惡人食我財物如噉鐵丸處我窟宅如處闇室作是念已獄卒化為慳人多收財物以火焚之罪人心喜氣絕命終生火山

甲賤無衣食處遇善知識發菩提心
鐵丸地獄者八十由旬滿中鐵城八十八鬲
一一鬲中有五刀山持用覆上下有十八大
惡鐵蛇皆吐鐵劍頭火燃以毀辱布施言
施無報勸人藏積向國王大臣沙門婆羅門
及一切衆說施無因亦無果報此人臨終頭
強脉縮迴轉不語不喜見人低視而卧心中
但念我積財寶得與我俱快不可言獄卒化
作其妻捉熱鐵丸化作寶器在其人前語言
我隨汝死宛轉相著終不相離氣絕命終生
鐵城中東西馳走鐵蛇出毒纏繞其身節頭
火燃即作是念願天愛我降注甘雨應念即
雨大熱鐵丸頂入足出罪畢乃為貧窮孤獨
瘖瘂之人歲數如鐵窟說遇善知識發菩提
心尖石地獄者有二十五石山一一石山有
八水池一一水池有五毒龍比丘比丘尼沙
彌沙彌尼式又摩尼優婆塞優婆夷九十五
種梵志等法或犯輕戒久不懺悔心無慙愧

命欲終時心下氣滿腹脹如鼓飲食噎吐水漿不下即作是念得一尖石塞我咽喉不亦快乎是時獄卒化作良醫幻捉尖石作大藥丸著其口中告言閉口心生歡喜氣絕命終生石山間無量尖石從背入曾出獄卒復以鐵叉又口以石內中一日一夜六十億生此

是生報從此命終墮黑繩地獄黑繩地獄者八百鐵鑊八百鐵山豎大鐵幢兩頭繫鑊獄卒驅蹶令負鐵繩上走不勝下落墮鑊湯中馳趣渴急飲鐵吞石而走一日一夜經歷是苦凡十萬遍罪畢生世為人僮僕遇善知識為說實法得阿羅漢

故十

十三

右

飲銅地獄者千二百種雜色銅車一銅車上六千銅丸以慳貪嫉妬邪見惡說不施父母妻子眷屬及與一切心生慳嫉見他得利如箭入心如是罪人欲命終時多病消瘦昏言穢語是時獄卒化以銅車載果至罪人所得已歡喜即作念言得此美果甚適我願氣絕

命終生銅車上不久即往生銅山間銅車轆頸獄卒以鉗挖口飲以烱銅迷悶躡地唱言飢飢尋時獄卒擘口令開以銅鐵丸置其口中吞十八九節節火燃東西馳走經於七日尔乃命終獄卒唱言汝前身時諛語邪見慳貪嫉妬以是因緣受鐵丸報或曾出家毀犯

輕戒久不悔過虛食信施以此因緣食諸鐵丸此人罪報億千萬歲不識水穀受罪既畢還生人中五百世中言語蹇吃不自辨了以宿習故食後噉炭噉土塊過是已後遇善知識發菩提心出觀佛三昧海經第五卷六十四地獄舉因示苦相三

一曰脚踏先蹋殺人今為獄鬼所蹋經二百歲二曰刀山先殺衆生今受罪二百歲三曰審諦瞋心罵人以為鳥獸五百歲中鐵杵舂口罪畢受生人頭鳥身口常言罪四曰抱刀劒自犯姪戒又犯持戒人五曰沸沙先以熱灰覆衆生上六曰沸井井水常沸以惡心用

不淨物置井中罪畢百歲為井中蝦蟆七曰
寵聰獄卒以人到內寵聰中此女生時以顧
影衣曳他男子八曰啞鬼獄常燒鐵篋烙其
舌所生父母及師喚之不應經二百歲後生
為啞人九曰熱灰七百里滿中熱灰此人生
時起婬欲心就貞女宿終不果遂受罪二百

歲後生患瘡及恐怖十曰涕屎三萬里滿中
屎尿駢人入中昔賜人好食瞋言如食不淨
受罪五百歲為猪十一曰胖臭縱廣二千五
百里滿中膿血此人生時以不善心入聖人
室失氣泄穢受罪二百四十歲後生貧賤人
中身體常臭十二曰不淨縱廣千里滿中涕

啓十

十四

右

唾慢心不淨手捻香供養大聖後生人中常
慢十三曰不淨六百里膿生時食心正中有
鼠屎狗食不淨投淨食中受罪二百歲出生
作狗十四曰黑耳常闇生時以不善心障佛
光明受罪七百歲十五曰縱廣四萬里恒被
斫射打剔堆砌此人生時作五逆業受罪動

經劫數若展轉諸獄故亦有劫數也一萬歲
十六曰相殺婦殺夫夫殺婦母殺兒兒殺母
其人昔時殺他父母并殺衆生父母及兒及
生人中父母子孫皆悉早死十七曰斫身恒
為獄鬼所斫先斫衆生故後生喜遭縣官十
八曰火車此人猶燒殺衆生後生被燒十九

曰不識法滿中癡人聞捷槌聲慢心而卧後
生邊地二十曰鐵熬熬蝦蟹故後生短壽
二十一曰餓鬼身長四十里腹如萬斛筍頸
長十里恒苦飢渴口氣常臭見食化成火炭
飲成膿血猶食齋食不持齋後八百世常作
羅刹二十二曰剛炭盜心取他物手捧剛炭
後生貧賤為人所使

二十三曰鑊湯生時惡心以熱湯澆地虫
二十四曰鐵床姪他婦女逼犯持戒女人男
抱銅柱女卧鐵床
二十五曰鐵丸猶炮煮鷄子後生常苦迷荒
二十六曰貢高坐地獄生時食他信施自恃

啓十

十五

右

有德起心貢高

二十七曰黑耳獄鬼以刀節節肢解姪犯比丘後生下賤女人之中五百歲作黃門身

二十八曰寒米生時擲衆生置寒凍處後生貧窮常無衣服

二十九曰石窟滿中烟火惡心熏殺衆生

三十曰拳拔鬼獄拔之以瞋心撲搥殺蟻蝨

三十一曰磕山以磕殺蟻蝨後生短壽

三十二曰熱湯澆身披著好衣誘他婦女罪畢為鳥獸

三十三曰餓鬼身長三十里咽下有癭決膿食之或見好食衆鬼競奪不得食之得他好

食不先上座食後生貧窮

三十四曰餓鬼身長十里或五里以身毛剛

利慳不施食實有言無後生貧賤多無飲食

二十五曰惡狗多諸惡狗牙利如劍獄鬼嗾

狗競共噬之生時喚狗噬殺衆生後得為人

喜被狗噬

三十六曰鐵杵驅人履之生時含毒看父母師長後生毒蛇中

三十七曰剥皮鬼恒利刀剥其身皮生時惡心剥人衣被及剥衆生皮後生人中常為人

所剥奪

三十八曰倒懸獄卒悉取人倒懸生時倒懸

衆生

三十九曰畜生獄鬼鎔銅灌其口負債抵而

不還後五百歲中為人牛馬奴婢喜得鞭打

四十曰耕身獄鬼以鐵犁耕身生時耕地傷

衆生惡心稱快

四十一曰鏃眼獄鬼常以鐵鏃鏃其眼生時

惡心惡眼看其父母後生人中眼常通睛

四十二曰刀兵獄鬼斫射此人生時瞋心相

殺後生人中喜得斫射

四十三曰割刺獄鬼生割其肉此人生時惡

心割人肉罪畢為人喜得割刺

四十四鐵磨獄鬼鐵磨磨人此人生時以惡

啓十

十六

右

心摩殺磨此中虫

四十五曰據弄蒲中鐵磨獄鬼驅人入磨磨之

四十六曰據弄此人生時見衆生入據弄中生惡心我誓不救後生人中身體黃熟

四十七曰石曰獄卒驅入曰中擣之此人生

時惡心擣殺衆生罪畢為螺蚌

四十八曰憍慢人頭蛇身此人生時卧地誦經

四十九曰水地獄水停住不流此人生時抑人水中沒溺而死

五十曰儻儒獄鬼石壓人頭此人生時慢心

使父母師長倚令其兒生言不恭敬

五十一曰鐵棒獄鬼常使其身棒鐵此人生時以惡心殺蟻蟲

五十二曰恐怖常為牛頭阿傍所怖此人生時常恐人故

五十三曰鐵杙水水底布鐵杙獄鬼驅人入

水中刺身血流生時嫉妬布杙傷人

五十四曰飲鎔銅生時慢心學父母師長語後常蹇吃

五十五曰鐵鏃獄鬼以鐵鏃鏃其眼此人生時惡心刺衆生瞳子罪畢為盲人

五十六曰鐵杈獄鬼以鐵杈杈人此人生時

啓十

十七

右

惡心杈魚及餘衆生

五十七曰蛆虫啖食人身此人生時蛆妬傷人及六畜財物罪畢為人身患惡瘡

五十八曰刀解手獄鬼以利刀解其兩手此人生時以慢心用不淨手提經

五十九曰啼哭獄鬼攫來恐怖令其啼哭此

人生時常憂錢財以營姪欲後生為人恒苦

少財

六十曰鐵鉤獄鬼常以鐵鉤鉤其身體此人生時鉤殺衆生

六十一曰鎔銅獄鬼鎔銅灌其口此人生時惡心妄語兩舌惡罵綺語罪畢為人口氣常

是

六十二曰鎔銅灌手此人生時心不敬道以不淨手捉沙門衣

六十三曰射身獄鬼以箭射之此人生時惡心射殺衆生

六十四曰無擇梁言凡有五王者一曰隨王

二曰効王三曰丑王四曰自然王五曰衆生

王皆發信心大乘誓願度地獄衆生諸地獄

罪畢者來入此中斷其昔行作罪多少捨地

獄身受中陰形如三歲小兒更隨業行從父

母受生出問地獄

五大地獄示受苦相四

活大地獄惡心瞋爭以稍相刺鐵爪相搗血

相塗墮痛毒逼切悶無所覺冷風來吹獄卒

喚活罪人還活是故名爲活地獄此中衆生

前世好殺物命牛羊禽獸爲田宅國土錢財

等利而相殺害受罪此劇罪報

合會大地獄羅刹獄卒作種種形諸惡獸頭

而來吞啖齧罪人兩山相合熱鐵輪轉熱

鐵曰擣亦如壓油聚肉成積血流成池鷓鷯

虎狼各來牽攀此人前世多殺衆生還受此

形獄卒又以力勢相凌枉壓羸弱受兩山相

合罪慳貪瞋恚愚癡怖畏斷事輕重不以正

理或破正道受熱鐵輪轉熱曰擣第四第五

啓十

十八

本

名叫喚大叫喚此大地獄其中罪人羅刹獄

卒頭黃眼赤火從口出著朱色衣身肉堅勁

走射罪人罪人狂怖叩頭求哀呼大將軍小

見憐愍將入熱鐵地獄縱廣百由旬駢打馳

走足皆焦燃脂髓流出如笮酥油鐵棒頭額

其腦流出如破酪瓶復將入鐵閣屋間黑烟

來燻互相堆壓意欲求出其門已閉大號喚

呼聲常不絕此人前世斗秤欺誑非法斷事

受寄不還侵凌下劣惱諸貧窮令其號哭破

他城邑壞人聚落傷害劫奪舉城叫呼詐誘

令出而復害之今受叫喚地獄燻殺穴居之

類幽閉圜圍或闇烟雲中而燻殺之或投井

